

T 3159/0445.81

6

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 11 1938

6

汾州縣志卷之十六下

重修預備倉記

國朝 鄭萬善

塔佛大學漢和
圖書館珍藏印

世祖皇帝御極之六年姜瓖倡亂於雲中支黨蔓延
 及於太汾王師南下討賊屯駐交邑凡清源文水
 各縣預備倉積貯殆盡賊平藩司籍其數以報
 農司農籍其數以聞於朝命藩司給銀買以補
 自己丑迄今歲二十餘年司吏上下其手莫肯
 歷任諸公徒心憂無如何戊申春錢塘趙公以
 李缺裁令茲土訪民疾苦開瓦審渠復西山

諸官舍未半載百廢俱興已而歎曰積貯國之大計也況奉

朝廷命買補誰爲守土吏乃徒效兒女子仰屋爲時方伯達公以才德望重朝野

上特簡寄晉土爲西嶽別弊徭奸百費定懷公立陳其事之顛末方伯達公按訊從前經承吏問不給狀罪之立如數發司鏹給公公旣得給則復捐俸修預備各倉牆垣之頽者築之棟宇之傾圯者易之瓦石磚砌之泯滅無存者益覆之增置之旣

成父老聚觀米以石計者七百數不止豆以石計者三百數不止草以束計者萬三千不止而廨宇巍然而牆垣兀然而棖題堊墁秩然煥然父老子弟相駭也已而相慶子因謂之曰爾父老子弟亦知是倉之所由興乎爾交實有粟而爾實不得積以爲食爾交實有草爾實不得積以爲芻蓋二十一年於茲矣非達公之賢心乎晉之民爾孰得而有之非趙公之賢心乎交之民爾孰得而有之爾苟不得有是粟與豆與草則斯倉雖成亦何爲也哉

於特交之父老子弟莫不欣欣然舉手加額樂為
伯達公與公之相得以有成也爰為之記

義倉積粟序

國朝 汪宗魯

余同年趙君天羽以其文武才以郡李改授尹交
邑而余弟潤斯為之佐治越歲餘章憲正度政通
人和蓋治崇乎峪水爰峯而聲已訖乎山區澤國
矣且交山綿邈通寇潛踞天羽出奇制勝不浹旬
而數十餘里之寇胥就擒焉功施燁赫曷以加茲
余與天羽同膺薦舉兩人對晤必交相勸勉無負
知我者知人之明今夏會審假道盧川以觀天羽
治行入其境田疇闢墾墾吏胥不得上下其手

因念余歷州縣十八載雖於吏治固所習然於吏治已固不習余之目擊天刑者或不敢後於天刑至其案牘山積而吏若無事賓朋座滿而庭若無人究之事無不辦人無不理也此則予深佩而爲不可及者已偶見義倉振飭周至積備充盈與他邑有不侔者夫交邑義倉之設肇自咸寧吳令請諸藩臺涓城西北隙地鳩工以建雖倉之堂宇煥然而蓄積猶未譜也往歲中丞達公奉

天子命加惠元元廣積穀待賑卽以多寡爲殿最中丞下之郡吏郡吏下之少尹少尹爲贊政諸事悉以趙君爲楷模而糧務是其專司上宣

天子行部德意而布之紳衿耆碩咸唯唯惟命競以其贏餘輸諸官舍趙令如流水焉向之積貯空虛者茲且陳陳相因矣交之父老子弟咸樂趙君之於少君相與有成也中丞公上其事於

朝余於是竊歎然有感已凡天下無不可爲之事特患無實心任事之人實心任事之人其所以籌畫於事先者無不周而防維於事後者無不密卽如

積粟一事在他人不過奉行意旨塗飾上下耳目
已耳孰有如趙君之殫力經營與少尹之協贊當
恭者勸其輸納而粟非出於抑勒也完其廩舍
粟不至於朽棄也鈎考幾驗之必清而不使官
胥爾也出陳易新之必慎而不使吏爲民蠶也
所爲等畫者不可謂不周其所爲防維者不可謂
不密今而後歲或不登庶不慮其無鳩乎余故
一敘其本末而識之

建修縣署序

國朝 趙吉士

天子之下縣令之上自宰執部寺遞而至於郡守
雖官之大小不同而其爲蚤作夜思出政令以治
此百姓一也是以天子所居曰宮自宰執部寺以
至守令所居各有官廨雖居之大小不同而其爲
安是居而蚤作夜思出政令以治此百姓一也吾
嘗遍遊江南劄北中州間其縉紳巨族往往翠簷
朱甍連雲蔽日至官廨恒任其傾敝破壞而莫之
顧何也自封建廢而郡縣立諸侯不以世相襲

官者視其居如傳舍近或數月遠不過數年輒去
彼固以爲此非吾之所有也非吾之所有而吾爲
之以利後人內有經營拮据之苦而外有傷財勞
民之名不亦大愚乎充是心以往故有明知其利
之當興與害之當去而彼亦以爲及吾之身而止
耳彼數十年數百年之利與害吾何爲焉嗚呼庶
政之不舉天下之不治職此故也山右三代舊都
茅茨土階其名固習於晉交城僻處嵩山間荒陬
尤甚縣署雖設僅名焉耳其大堂再建

其內署自萬曆一年以至於今無新之者每官在
代必以修整衙舍派累里下民煩其患而吏役中
飽官亦無從清楚遂成不破之陋弊予未任前此
地缺令五載其內東西十數間敗不能葺署篆者
盡拆之以爲薪自三廳後僅五間再後三小間耳
大都壘土爲牆架拱把以爲梁爲棟疾風則患飄
搖大雨卽患滂沱予初至殆無所容偃仰焉予卽
安之如關防何泄政五月庶績稍清乃捐貲鳩材
給餼興工廓其舊趾而創築之自二三堂至內皆

廣三爲五別建耳房廚房共十六楹室之東向有
軒爲予退食讀書處顏曰臥琴案牘所不入者二
堂左傍亭曰雙清賓朋譚讌之地則有冰壺玉鑑
二齋雲月登眺之所則有遙集一臺此外爲菜園
爲馬厰隔以重門四圍俱易以磚砌而內外始判
然矣凡木以枚計者千數磚以塊計瓦以片計者
共十二萬二千零民食於予而用於官者積三千
六百餘工費出於予而捐於官者約金八百六十
自戊申秋仲至己酉春季歷八月而告竣竣之日

置酒爲燕客舉卮以祝曰是役也唯子建之修之
而成唯子居之而安子曰吁此天子之所置以居
交之令治交之民者交之著壞而交之令建之修
之交之令居之今之令有時去則又後之令居之
後之令建之修之也吾何爲也哉昔蔡凝爲中書
侍郎遷晉陵太守將之郡更修中書廡宇謂賓友
曰庶來者不勞吾亦庶幾此心而已客矍然起曰
吾聞之天下事唯其當爲者卽爲之而吾無與焉
此古人之所行也公何讓焉雖然莫爲之前無以

刻之莫爲之後無以繼之請以子之言勒之石以告後之繼子居此而晝作夜思出政令以治此百姓者其無墜今日之功子媿其言而不能易其說也爲之序

四望樓序

國朝 趙吉士

春秋晉大夫狐突交人也其材與品遠過其二子從凶諸臣皆不及也其基在交北境曰狐突山者是以公之靈自交而及於晉之各境宜無所不在然歿而窆於是宜其尤眷眷於是山顧災變祈禱如影赴響偏最著於郭北之廣惠廟則何與蓋豈深思而得之夫生而爲人歿而爲神一也凡人寧神必有所擇而安以自全其氣吾嘗入山望公之墓墟峻嶒峭拔盤旋萬峯其左汾孔二河合流洶

涌而奔注殊多勇悍傑出之概是乃魏武子顛顛
之所喜而非公之所安也公仁義智勇人也訓大
子以孝仁也不召二子義也識偏衣金珥之必整
智也守正而死勇也全是四者非得山水會合冲
和最勝之地則其靈氣亦將愴怳去來而不留
廟面郭高山左汾右文莎塔步渾分合而映帶下
有靈泉山源鍾焉蓋徧交之四境所謂山水會合
冲和最勝之地誠莫有過於此者宜公之安於是
而著靈獨異也但地固形勝獨其廟壓城逼山

得層臺飛甍一振拔而聳其勢則中處而位卑有
陷象焉予志欲營之而未果辛亥僧性定以邑紳
丁公作宰仁和不遠三千餘里自吾杭募助至交
予亦捐俸佐之壬子月鳩工聚材既新其殿更創
危樓於後其高十仞基厚而勢雄窗欄環敞四闕
月而成予取仲宣之賦名之曰四望一登而齒堞
嶄嶄若拱吾胸而圍巒蒼蒼若俯吾背而衆水漾
漾若旋吾足而平林廣曠與疎村遠堡隱隱若圖
畫之列於吾目也夫然後而斯地之勝始浩乎大

觀雖使貪夫鄙士一高望而遠思當爲之超然置
心於塵垢之外而況於懷才抱志豪傑之徒與而
況神爽如公有不爲之悠然穆然更眷眷於茲而
不忍去與吾知自今而後交之人登斯樓而感公
之惠慕公之風必有奮乎百世之下者公之靈往
來於茲念交之人能來與吾靈而愈降之福則
是樓之成豈獨是情遊觀之盛而已哉客則有謂
予者曰樓之成美矣勝矣顯後必有像神而居之
者則奈何予曰然是殆有之昔唐昭州郡圃有亭
曰天繪郡守李丕欲更之有范滋者易名爲清暉
後李啟積壤得卬濬石記云予擇勝地得此亭名
曰天繪取其景物自然也後某年月日當有俗子
易名清暉者可發一笑考之月日無一異予不能
如公預知未來願交之人士後無爲范滋以俗
子預見笑於前之人則善矣

披靡若乃俯臨通隍仰矚神霄署題入漢峰對
爻紫雲帶煙而廻薄百堆乘塘而列燕鶴揆丹
之信呶蘇碧嶂之樵於焉閱兵講武則超距以
醪勸農課殖則郵賧以迎貓八詠高酣兮接休
之元陽三層窅窅兮躡正白之孤標豈更煩珠
玉佩之鏗夏寧復屑異香雜寶而紛飄醜酒吟風
洋洋兮集羣英於文選橫梁睨巖巖兮奮虎於
於逍遙爾其玳瑁爲梁琉璃施柱白雀張翎鳳凰
延紫華清則芙蓉障屏淡冶則海棠列圃攬青

而生香睇畫紅而凝素臥賞條於曲牀扇蕤於
萬歲炳勲業兮武昌壯干城兮蒲類蓋矯矯清
兮堪奉詔而頌荆國之豐碑巍巍望省兮應銘
而躋尙書之八座繼久倦羈鞍思焚筆研望京
而蒐搖凭欄干而神緬謝仲宣之賦心慚鄭谷之
花片睇明月於晶宮聆鈞天於金鈿乘消暑以
回上南樓而繼絃抽短韻以舒懷將攬拍乎五
十二之期羨

柏交亭賦

國朝 李文繼

首卦嶽之嶽崟兮苞萬象而吐鴻濛
凌紫霞以駭聳兮貫太極以爲峰疇
定晝於皇古兮支節聯絡而疏通
嘉殊植之駢挺兮嘅靈化之靡窮
鑄陰陽而爲鱸炭兮鎔造化以爲
朽銅岐霜皮之溜雨兮驚香葉之
分風類交肩駛其竝馳兮疑併翮
騰爾而齊翬彼橫分而侔蟹眼兮
亦連抱而擬蠶窠豈合歡之儕橘
柚兮抑竝蒂之儷芙蓉信珍木之
神異兮紛菱蕤而攬蒙茸勿謂兩
掌之開合兮固屢

膺奕代之疏封嚙雲根以穿齟齬兮媿彼義植合
 幹之雙松時勤康樂之旌展兮激靈泉而躡穹隆
 睇山河之闕略兮遠檄亭鄣以當空傍積翠之瀟
 娑兮標柱石而倚空同蓋按奇惟恐其或盡兮
 掃落葉之重重邁紹尹氏之保障兮更嗣狐突之
 純忠相地利之形勝兮每興建以為庸豎巍樓而
 營別墅兮剏畫舫以跨飛虹湖光激灑以環碧兮
 寶塔耀日而玲瓏殫五載以謀莫麗兮豐碑感紀
 德而歌功吁嗟乎天奪公以素冠素鞵兮旋音

司版司農欲棄官守而星奔兮徒標心飲血而
 涕從雖僅五日之組篆兮彌淡百禩之印頤仗蒼
 官以蔭靄兮勝桃李之蓊葱士女觴遊而浴澤兮
 應毋忘吉日之與車攻望蔽芾而思所憩茲兮
 篇什而朗若鐘鏞塊瓦缶之詹詹兮安銘夫嶺嶽
 之高嵩庶垂示於將來兮誠有待乎簪筆而書彤

立國忠臣左武衛上將軍正憲公張承業銘

國朝 張 新

公諱承業字繼元唐李人也自唐高祖光武

中王部陽軍事賜紫入為內供奉昭宗將幸太原

以承業為河東監軍幸華州就加左監門衛將軍

昭宗遇弒復為監軍夾城之役武皇復遣外求援

於趙時河中阻絕自離石渡河春冰方泮凌澌奔

賊艤舟不得渡禱於河神是夜夢神人謂日子但

渡流水無患既寤津吏報曰河冰合矣侵晨獨濟

旋踵冰解使還武皇疾篤召承業囑之曰吾見
弱羣庶縱橫後事公善籌之言終而卒時天祐五
年戊辰正月公奉遺願立嗣王即位二月克寧謀
侵位承業與王殺之天祐七年十二月梁將韓勅
等兵逼州鎮晉王救之遣周德威等以騎追梁
見韓勅等賊勢甚盛謂晉王曰吾騎兵利於平時
今壓賊壘門騎無所展足且衆寡不敵請避之王
不悅退臥帳中諸將莫敢言德威往見承業曰大
王驟勝而輕敵不量力而務速何不退軍高邑誘
賊離城復據其壘彼歸則出列以輕騎掠其饋

不過踰月破之必矣承業入帳撫王曰此豈王安
寢處耶德威老將知兵其言誠是也王蹶然而興
曰予方思之是日拔營退保高邑後梁兵果敗
承業啟其意則德威必死矣天祐十三年梁匡
節度使王檀密疏請發兵襲晉陽安金在見承業
曰晉陽根本之地失之則大事去矣僕雖老憂國
家請以庫甲見授爲公擊之承業卽與金全李嗣
昭等擊梁兵死傷什二三賀德倫部兵多逃入梁

承業恐其變收德倫斬之天祐十四年十月晉王
還晉陽王連歲出征軍府政事一委承業勸課農
桑畜積金穀收市兵馬徵租行法不寬貴戚由是
軍民肅清饋餉不乏王或時須錢捕博及賜伶人
承業靳之王乃庫中置酒令子繼岌舞承業以帶
馬贈之王指錢曰宜與一積帶馬未爲厚也承業
不敢以爲私禮王不悅語侵之承業怒曰僕老救
使耳惜此庫錢所以佐王成霸業自取用之何與
僕不過財盡兵散一無所成王怒領李紹榮索劍

承業起挽王衣泣曰僕受先王顧託之命誓爲

家誅汴賊若惜庫物死於王手僕下見先王無

矣曹太夫人聞之遽令召王王惶恐叩頭謝承業

請痛飲以分其過承業不許王入宮太夫人謝承

業曰小兒忤公已咎之矣明日與王俱至承業

謝之未幾承制授開府儀同三司左衛上將軍

國公承業固辭不受但稱唐官終身天祐十八年

魏州人得傳國寶以爲常王將薨之或識之曰傳

國寶也及詣行台獻之將佐皆奉觴稱賀承業聞

之亟詣魏州諫曰吾王世世忠於唐室救其患
所以老奴三十餘年為王撫拾財賦招補兵馬
滅逆賊復本朝宗社耳今河北甫定朱氏尚存
王遽即大位殊非從來征伐之意天下其誰不
體乎王何不先滅朱氏復列聖之漢繼然後求
後而立之南取吳西取蜀汎城宇內合為一家
是之時雖高祖太宗復生誰敢居王上者讓之
久則得之愈堅夫老奴之志無他但以受先王大
恩欲為王立萬年之基耳王曰此非予所願奈

下意何承難知不可止勸也曰請軍血戰本為

今吾王自取之誤老奴矣即歸晉陽悒悒成疾不

復起天祐十九年十一月卒年七十也曹太夫人

詰其第為之行服如子姪之禮晉王慟亦不食者

累日同光元年癸未王立為莊宗收葬承業立碑

文柏株石人馬念承業之志行雖縉紳有遠不能

及者渡河冰合應感也為晉養民畜財軍不乏典

職也受克用顧託不敢違負忠也行法不寬貴戚

不以官物為私禮公也晉王欲使分過終不承命

守也居唐官終身義也自後唐同光元年迄今大
元至元乙酉約四百有餘歲矣緣在先碑銘已
焚毀恐後世湮沒無聞再立石刊文
旌累代之不朽遺迹焉

交城縣志卷之十七

請分員協理議

國朝 俞 不 卿

交山複嶺重巖從古盜賊淵藪邇來仰賴

皇上德化覃敷各上憲恩威茂著梗頑向化狐鼠潛
踪又於靖安堡設一守備防禦而臨嵐永寧之匪
類不敢覬覦似西山之盜源可絕矣再查山鄉如
河北原瓶等都去縣治有百餘里二百里之遠山
溪野曠村落稀疎雖編設保甲而卑職一人有錢
糧之徵比有訟獄之受成有簿書之期會且相隔

既遠安能常時躬親稽察查本縣有縣丞一員向
駐縣城毫無經營莫若將縣丞移駐河北故交村
卽古交邑舊治令其就近協理如民間有細微雀
角之事卽可批令聽斷有錢糧逋抗不完之人卽
可檄令督催至如稽查保甲宣講

上諭卽可令其實心奉行將見彈壓有專官則靜陽
寧武之山盜不敢滋蔓而北山之盜源可絕矣是
一移駐而官無瘵曠地方獲遼寧謐之福不但可
以保衛民生實亦久安長治之計也卑職身在
方民生綢繆至計敬抒管見仰請憲臺俯賜轉詳
題請允行庶山陬永靖在苻永息而三晉永藉久
安當不獨交邑之民安耕鑿而樂熙皞矣

奉裁縣丞改設巡檢議

國朝 俞 卿

看得交邑故交村僻處萬山之中爲陽靜臨嵐汾
永錯壤之地距縣遼遠必需端員稽察且縣丞在
縣原無職掌故前議將縣丞移駐詳請茲奉院憲
鈞批以縣丞無承緝逃盜之例可否將縣丞裁去
於該地設立巡檢等因行縣查議舉職伏思故交
村設立巡檢一員專司查緝甚有益於地方民生
至於交邑縣丞原屬閒員如將縣丞裁去卽以縣
丞官役之俸食爲巡檢官役之俸食職守旣無竊

曠俸食無事增設而山鄉查緝得有專員一移駐
間而於地方實有裨益仰見憲臺籌畫之精詳盡
善矣

勢豪開渠掘堰等事議

國朝一張丙厚

交城縣之夏營村與清源之高白鎮接壤相對者
也高白鎮有壺平石河一道向從本鎮經流今年
三月終旬大雨浹日山水橫行有高白鎮之武生
任大勳及段朝寧任奇威等突壘石堰二道逼水
直入夏營村據民人夏有彩等赴縣泣稟隨關清
源縣親詣踏勘其高白鎮河跡現存而石堰委係
新築水流夏營村窪路成河屋塌牆傾身家難保
因再三勸諭毀堰開渠而高白鎮人強不允致夏

有彩等奔控憲轅批行下縣於五月二十三日同
清源丁令親詣勘明卑職等仰體憲臺一視同仁
至意酌議拆堰理所當然但二堰俱毀恐高白鎮
依舊受殃二堰俱存則夏營村無辜遺害諭令先
將頭堰盡拆二堰不增堵塞決口使水中流俟農
忙已後照戶數多少自備人工開渠出水送入汾
河次堰亦拆一勞永逸正在敘文詳覆間五月二
十四日據夏營村民口稟石堰未拆決口未堵下
雨又淹復差役會知清源縣左委催拆豈任大數

等項未除頭堰不肯盡除次堰增闊數丈雖
拆頭堰與不拆相等逼水復沒茲據夏有彩等呈
稟前來卑職省回單騎復勘無異夏營村水淹愈
甚切鄰邑均屬子民卑縣與丁令秉公勘諭並無
偏枯何物土豪乃竟如此梗抗總因武生任大
恃有護符段朝寧等扛幫助虐不特藐視鄰邦長
吏抑且目無本邑官司合無仰請憲臺親臨踏勘
賜詳覆革嚴提審斷俾強眾稍知法度寡弱不致
沈淪而兩邑地方官亦藉憲威得以治民飭紀

後山野庶無效尤者矣

計請就近撥支米豆議
國朝 張丙厚

交城縣有額徵米豆一項解省大盈倉交納以充
營糧此在交邑未設駐防之先舊例相沿無由更
易至康熙十一年三十七年間奉前院設交城轉
安兩營每年應支米豆赴省領給而舉縣應納米
豆仍解省收倉切交城平下去省一百二十里山
鄉去省二三百里難以運送雖有米豆勢不能
易價到省採買既賣復買其間苦累實多在交城
營兵去省已遠靖安營兵去省尤遠更難運回

領米豆勢不得不易價返交另買既賣復買不無
數內有虧抑且往還需費此民與兵俱有就近
支之懇也夫里民之納米豆原以養兵營兵之
米豆取給於民以本地米豆卽撥本地兵糧民
交納之苦數未嘗少已如減賦捐租兵無往返
勞數未嘗多不啻投膠挾纊况採府屬樂平馬
曾於康熙三十四年將本邑額米撥本邑防兵
詳前撫都院批允有案今交邑兵民合詞呼籲
列可援按交邑額徵米五百八十四石三斗三

二合額徵豆二千六百五十二石七斗四升三合
查交城靖安二營應支月米一千四百三十五石
二斗於額徵短米八百五十石八斗六升九合二
營應支馬匹料豆一百三十五石於額徵多豆二
千五百一十六石七斗四升三合其短米數目卽
於額征黑豆內抵支照經制改折每黑豆一石五
斗折米一石共折豆一千二百七十六石三斗三
合零以補兵米不敷畧爲轉移於兵民大有裨益
餘剩黑豆一千二百四十一石四斗三升九合零

仍解省倉交納不悞軍需茲值征解米豆之期相
應詳懇憲臺據情轉詳俯允就近撥支例定一時
功在萬世則合邑里民而營兵日均沐仁德於無
疆矣

卦山書院記

國朝 鄒士璣

筮仕非難而以獲行其志爲難涖官不足樂而以
得民愛戴者爲樂異時膺民社之寄者才不足以
濟其用學不足以充其志而簿書期會叢脞執掌
無能稍出其馭爲以爲政治本原之助用是所至
如傳舍而仁聲之所播亦率寥寥焉若新安洪君
之治交邑誠有足多者余丙戌奉

命視學山右按部往來數過交邑見其民風淳穆修
尚茲歌幾幾乎有三代之遺風焉爲之攬轡徐行

悠然想見邑之賢宰既而聞諸大吏之官評以爲
三晉循良不乏求其實心實政潔已愛民無黷
累者必以交邑爲稱首則又爲之鼓掌大快而
信向者之所見聞海非無自而然也顧急欲求
之所以治交邑者而未得焉適交之諸生於執
之餘旅進於函丈而請曰吾邑之父母當世之
牧也願夫子有以識之吾邑居萬山中向者苦盜
盜之擾近復遭歲歉民不聊生賦斂無所出則散
而之四方其丁產之廢絕者復累其鄉鄰而

迫於窮鄉僻壤之民有不存其半者矣自
父母來而撫字催科各得其宜與利除害各殫其
制爲之豁免某丁糧而民皆漸次還鄉安居樂業
古所稱鞠育而安全者豈有加耶吾邑文風不替
士習波靡其民之強有力者皆相尚爲囂陵之習
而無復禮讓之風其弱而貧者又無以備脯修之
儀而從事於鄉塾於是民氣之不靜有漸流爲雉
鷲者矣自吾父母來而訓飭存方勸懲備至庠
有月課之規鄉則有義學之設強毅者鋤之善良

者舉之而教化大行士習民風不然其一變吾邑
有瓦窰溝水數百年爲民害每夏秋水漲輒搖撼
其城郭漂沒其田廬自吾父母來而相度地形
之築長堤八十餘丈所費不貲而不擾民間絲
晝夜督率以期於成於是數百年大患一旦永
他如絕苞苴禁請謁省刑薄斂剔弊釐奸日惟
交山勺水而無時不以其誠求慈愛之心下逮
閭是以闔邑之人陶陶然如日遊於三代之世而
不知有含哺之樂也余不禁擊節歎興曰有是

斯誠不媿民之父母者矣諸生又曰吾邑有卦山
巖削而幽邃中有老柏數千株蒼翠而森鬱山之
麓有流泉甘冽而清沁吾父母於政事之暇常單
車至止與諸生講學論文其間仰而望山俯而聽
泉翛然若自得於形神之表生等愛其地之勝而
樂吾父母之所遊止也後構數椽於積翠之巔以
爲從遊之所願夫子一言以爲記余曰自古惟甘
棠之愛不泯於人心馴至後世皆循爲具文未有
愛慕誠於中而歡感流於外若諸生之篤且摯者

也此豈語言形迹之所能強者乎傳曰斯民也三代之所以直道而行也則洪君之所以行其志於士民與士民之所以愛戴而不忍忘者皆出於心之誠然所爲以直道之公相邁於志氣之微也余又安能已於言乎且余聞洪君年方壯功名正未有艾他日出其牛刀之試以宰割天下度所以存其志而致民愛戴者又不知何如也於諸生之請爲書以付之並以問之洪君其以余言爲然否

卦山讀易記

國朝 洪嘉植

余素志欲西觀華嶽河洛想見三代文武之遺烈歲丙戌春從弟崑霞筮仕太原之交城約余往遂道由泰山燕京出恒山渡滹沱入井陘故關宿晉祠下而至邑中將爲西陝行也邑有卦山負城北五里許所謂峯連澗斷若卦畫相錯然者崑霞旣至乃相陰陽觀流泉作月波草堂於却月湖上北望卦山余又時行射圃相望足不移闕神與之往至重九日乃同遊焉碑記石幢唐蹟有存其中柏

樹交蔭蒼翠可裛衣裾明年又過文水拜卜子夏
祠孟夏之月余始以衰病不能車馬亦將謝西陝
別弟卦山東南越太行歸大華之遊抱此志終古
矣交城距晉祠六十里文水四十里汾河遠其外
傳爲舅犯故里夫晉祠者古祠唐叔虞也晉水出
懸壑之山泉分溝澮灌田以注於汾有臺駘祠子
產所云汾神也文水在子夏西河之境余讀儀禮
喪服傳見子夏明述禮樂經緯天地盡人之道以
名文學因亦考知蔚序實出後漢衛宏易傳出唐

張弧而本非子夏之文也然則交城介在晉陽文
水之間有卦山以崇高固汾水所經會孔水而名
交城豈非太原一勝地與特以萬山之中開通獨
後不見著於中古之人文余今乃得遊觀日月光
華風雨晦冥山氣交變於其上下是興百物以養
羣生因對之而爲樂焉崑霞時創書院於山待朋
友講習邑中日無一事况對卦山如坐山中先是
余於易象春秋隨地皆載以行茲愛卦山之名遂
取所攜匯邨易說及采擇前人畧可相發明者數

十百家改訂於六十四卦三百八十四爻繫辭之下疏通聖人文義於易畫始得無所淆亂亦將以爲學焉已矣靜坐一室不廢寒暑晝夜亦幸無疾病越日九月有奇而易說成語崑霞曰余從子來素志觀周秦之故墟而乃讀易於卦山之下天地人物觀變陰陽出處進退消息盈虛備矣崑霞曰藏之名山傳諸其人其惡能使後世之無聞乎乃書歲月爲卦山讀易記云易說則自與年俱進異日當寫成一通置於書院以待後之學者

重修天寧寺記

國朝 洪 璟

佛氏梵宇徧天下而天寧寺尤所在有之顧或廢或興隨時變置鮮有歷千年仍其故址者獨交邑天寧寺在卦山之麓自唐貞元間創始迄今九百二十二年寺貌如故香火日新往來遊人瞻禮不絕亦極盛矣哉夫佛以空寂爲教自四大而外皆視爲幻化故於世間所有一切真實色相可喜可戀之事皆不足以繫其心而何有於一椽一瓦之積乃世之人則以田疇屋舍爲可久而曾不轉瞬

間又不能與空寂者之塔廟巍然而並存若奉城
之園平泉之莊至今過其下者猶爲之歎歎而
弔而況其他乎然則天下事又孰假而孰真也余
於丙戌至交始登茲山爲尋其勝概視山勢之
巽鬱積雄奇而峻削穆然思古之豪傑問狐趙之
高風猶有存焉者乎既而廻翔寺中周行廊廡見
前代豐碑歷歷摩挲姓氏追溯時代又未嘗不俯
仰興懷慨世運之代遷而人物廢興不知凡幾獨
茲山梵舍與巖巖片石反以其空寂幻化之故得
常存而不朽此爲人閱世耶抑世閱人耶亦重可
喟矣此邦之士咸以其山門殿宇歲久傾圮爲請
余曰佛道之崇替未必果恃塔廟而存也使其果
恃塔廟而存則其所爲空寂之旨亦特以覺世而
非其所以自證豈誠有是耶蘇子瞻有言屢興成
毀相尋於無窮則臺之復爲荒草野田皆不可知
彼獨非達人之見乎而何真實之與有顧重拂都
人士之意爲之請於郡憲趙公得首捐俸金而
余亦隨其後由是紳士以下皆輸金以助閱明年

鳩工凡赤白漫漶者咸為塗墍板腐而甃缺者咸為補治又構兩廊於飛樓之前而金碧其層簷於是天寧之舊煥然改觀余惟自有宇宙即有此山天寧其贅也自有此山復有此天寧修天寧更其贅也以佛教空寂一無所有而必一再贅不已則其為之贅者又不逾時而即去佛果有知得毋反以其空寂之旨嗤人世之勞勞也耶諸人士曰不然修梵含有勸善之意焉是吾邑人之所鼓舞樂從者也願書之以為記遂書之

重修薛公祠記

國朝 洪 璟

傳曰國之大事在祀與戎是以崇德報功載於祀典有其舉之莫敢廢也交之為邑地僻民貧瘠也而西北皆山溪入其阻又巖疆也考唐天授二年邑徙今治築土為城越九百四十年至明崇禎十三年吳堡薛公來為令始崇垣墉繚以甃甃高五雉厚半之埤堦樓櫓規制壯麗百姓安堵永然為賴先是崇禎三年流寇數十萬自西焚劫山徑乘勢渡河十年之間蹂躪雍豫楚蜀郡縣百城

空而歲又潦饑多疫公則懼寇之來也乃修備焉
爲甃斯城以興作寓賑恤饑民全活以萬計力及
之費萬金閱朞月而告竣民忘其勞直指監司咸
嘉焉邑人感公之德尸祝至今茲堂所以祠公也
公旣從祀學宮各宦而茲祠不廢歲久傾圯士民
欲重新之而未果予初至謁祠下重公之遺澤而
嘉民志之不忘因捐貲以葺之乃惟曰天下郡縣
之有城池也所以設險守國也而池不濶城不高
則民無所藉以無恐故有守土之責者必於是加

意焉茲邑以汾孔之水交合而名所治僻在萬山
之趾彌望連峯插天周迴五百餘里山溪谷峻傑
無寇盜竊發而烽警時聞使捍禦無具其何以爲
民生而無意外之虞乎雖今承平日久而豫防之
道不可不盡顧茲城郭完好民賴以安其焉能不
思公之德而致俎豆於無疆乎記曰有功德於民
者則祀之其公之謂也已祠成爰勒之樂石使交
之人永食公德而感頌之不衰也公諱國柱號重
明陝西延安吳堡人由選貢筮仕歷官河南汝寧

兵備道布政使司參議有清德惠政云

遊公廟重修記

國朝 洪 璉

吾鄉趙恒夫先生嘗宰交邑有惠政既去而民尸
祝不忘茲祠所由來也余至交之日即瞻謁先生
祠下詢故老里民求先生惠政實蹟悉班班可考
蓋欣然喜典型之在望而又怵然切難繼之慮也
當先生治交時正寇盜徧處民不聊生而先生以
賦詩飲酒間運神機之用不煩隊伍而殲厥渠魁
俾數十年大患一旦如秋飈之掃落葉馴至於今
而民之所以安桑麻樂耕鑿者夫孰非先生之賜

乎夫士君子膺民社之寄凡所以興利除害者官
無不盡其力而或有能有不能則限於其才與其
志也才不能爲而志不果爲雖有可爲之事亦漠
然置之彼其視當官如傳舍故時過事往而聲稱
亦寂然若先生之功業卓卓可紀豈不與斯邑之
山川民社相無盡也哉余受事以來一以先生爲
法凡有興革皆稽往牒而行前歲至河北問長疾
古皆扶老攜幼迎余道旁述先生遺澤旣而知余
先生同鄉又爭來問先生起居且問且泣視之
真如赤子之恩慈母者迨入西廡靖安諸寨過東
西葫蘆荒藤野篠圍壁壘依然皆先生平寇之所
仁聲偉績益徧滿焉嗚呼如先生者始不媿爲民
父母者矣先生與先兄谷一締姻盟憶辛酉秋余
方弱冠隨先大人與先兄遊邗謁先生於惟闕公
署每侍左右聞先生道治交時事甚悉余時已心
折之越十餘年而先生以言事謫國子學正余適
選入成均荷先生大節益聞所不聞及受
命茲邑而先生已捐館十餘日不獲承命而行思之

每爲於邑嗟乎歲月易流風俗如昨追思辛酉至
今幾三十年而邗江景物猶歷歷目前獨先大人
與先兄皆相繼奄逝卽先生亦已隔世而余以
碌無似步先生後塵時懷隕越之懼所爲每過斯
祠輒不禁低徊慨慕不能已也祠久雨廡皆圯壞
爰葺而新之並構草堂於其側以志嚮往之意而
述之如此云

重築臥虹堤記

國朝 洪 璟

交北郭外五里有臥虹堤故址蓋自恒夫趙公築
堤避水而因植柳以固堤城入柳成行密茂望之
若卧虹也夫柳謂臥虹烟柳爲交山十景之一
是也余丙戌至交按圖志卽親歷其地而堤已非
舊柳亦翦伐無有存者爲慨然久之明年夏六月
淫雨不止大水自馬鞍山潭洶谷奔騰而來經交
審溝直衝城下堤亦闕入汾河而去勢極洶猛壞
田疇廬舍無數城郭爲之搖撼民皆震恐余始大

驚知爲民慮計欲議修築而時以農務方殷未暇
及迨冬又之五臺除道爲

五輅西巡之計時時殷憂不輟今年春始得相度地
形爲捐其俸入募夫採石築長堤八十餘丈高二
丈餘闢半之中實以灰石使極堅緻而裁師其有
以防水蝕又疏其水道南流俾無衝決之患不數
月工告竣民皆歡欣以舞扶老攜幼挈壺漿篋食
爲役夫勞苦於是臥軀之舊不日而復成余攷茲
水爲民害久矣明永樂二十年步渾水與塔莎水

漲城垣衝圯

國朝康熙二年磁瓦二水交流北門圯裂城中水溢
數尺志咸書以爲災自趙公築堤於今四十年而
民無意外之慮倉儲城郭皆藉以安塚墓田廬皆
賴以固民思趙公之德不忘固其立也夫有司者
民命所由寄而城社之責所由屬也苟力有可行
則必不以一息養安而坐視生長之患害故一時
之創建而百世倚賴者有之一事之興廢而數世
貽患者有之今堤之闕於治也者匪淺自趙公以

後未有修復完好如趙公者使及今不治而水溢
復至將有不可言者其何能不思患豫防乎堤成
而民皆踊躍謂從此可保無虞他日柵漸成陰與
長堤相拂過其地者彷彿當年烟柳之舊爲之思
趙公之功而因以念予惓惓斯民之志其庶幾可
以少告無罪矣乎若夫鳩工起訖而督率有勞日
夜不倦者爲曹尉文權法得備書以告來者

月波草堂記

國朝 洪 璟

康熙丙戌夏六月予始蒞事交城按圖志進者老
岡風土里俗至秋入西北境二百餘里皆溪山窪
谷及詢東南亦云鮮平土大抵交稱多山少水芒
城北卦山其最高者也而水不多見獨城東南隅
有湖名月波周圍二里許面平如鏡四面樓臺掩
映草樹參差望之如圖畫遂爲邑中最勝余時過
之有翛然之致焉明年春偶過湖上徘徊既久惜
其無憩足之所乃作草堂數椽其上因湖之名曰

月波草堂而特與邑諸生講學論文其間乃恍然於大易取象之義而身之所涉無非學之所寓也夫湖之所瀦者水也而臨於卦山之趾有山澤之象焉君子觀山上有澤則思以虛受人觀山下有澤則思以懲忿窒欲觀麗澤之象則思以朋友講習而觀於上天下澤則又以思辨上下定民志凡以象之所垂皆至理所蘊自古聖人所以垂訓萬世者誠欲後人對之而知所法也今山與澤適相遇於治邑之間而余作斯堂又適與諸生爲論學之所則仰而望山俯而臨澤其可不思所以自治之道而徒爲玩物適情之具乎且夫月臣象也對日則光明波者水之文也風至則文生風定則水止而清禮曰清明在躬志氣如神天降時雨山川出雲余雖不敏亦思近

天子之光以潔清其身而膏澤下民其又惡能無懷惕於斯堂乎由是言之登斯堂者皆有感發精進之思區區游觀之事不足言矣余喜其因游得學遂書之以爲記

交翠亭記

國朝

洪

璚

余治交之明年既築城之東道十有五里兩旁
濶長渠通流澗水而注於汾乃作亭其上以息行
旅名曰交翠先是恒夫趙公嘗植柳蔭道旁蒨鬱
成陰歲久枯苑者半至是補種其闕而引水以環
其下春夏之間水草交映翠色接天望之竒然而
濶蒼然而秀行者樂之遂以名斯亭焉昔濂溪周
子知南康軍爲政精密每愛廬山之勝爲築室溪
上名曰濂溪書堂而黃山谷稱其胸中灑落如光

多城縣志
風霽月朱子因贊之曰風月無邊庭草交翠余非
敢望前輩芳躅獨喜其流風有未墜者太史公曰
詩有之高山仰止景行行止雖不能至然心嚮往
之其是之謂也夫

權復河北民論

國朝 洪一環

交邑山多地少即使年俱豐稔土完賦稅下資生
養猶恐不贍何況歲比不登民無所賴欲不轉漚
壑而之四方其可得乎而河北一都逃亾尤甚人
去賦懸里甲攤賠其徵比之艱與新舊之積已莽
一日本縣蒞任之初訪知其故兩次親勘一望荒
蕪戶口凋殘實為可憫所見者無非鵠面鳩形不
以逃故求擦卽以賠累具稟本縣念切痼瘼曾已
力請開除但一都之丁則可減一都之地糧難缺

勢必終爲本甲公辦山僻窮民奚能堪此今欲賦
有攸歸宜亟招復在逃之人將自己固有之產
墾成熟庶錢糧有所從出而在已可免流離之苦
在人亦無賠墊之累爲此傳諭在逃人民爾等以
偶爾之災荒輕去其鄉撤墳墓拋田地不惟棄
無用反累他人賠墊而究無益於已揆厥所由不
過欲免災田之稅將爲託足之謀無論求生於異
地不殊待斃於故都即或樂郊可咏凶歲無聞而
以他鄉之字風泊於其間欲徒手而得安居

飽食暖衣其經營力作艱苦備嘗亦概可知則
其拮据於了無倚藉之境何如言返家園有田者
猶可耕有屋者猶可居而鄰里戚黨猶可相周恤
其爲力不更易乎況邇年屢慶有秋故丁又盡闕
除各憲仰體

皇上如天之德加意撫綏既無雜派加耗卽本縣到
任以來刻苦奉公絕無絲毫擾民之事又安見維
桑與梓不如他邑而必舍其田而耘人之田爾等
須各悔心攜父母挈妻子旋歸故里服先疇而食

舊德以保有室家如以久出乍歸惟恐居身無地
耕種無資本縣爲爾父母自當設法安插彼無地
可耕之人其間開田曠土頗多不妨批照給種管
業辦糧將見家有恒產賦從田起誠一舉而兩得
第念流亡四散一時未及周知如有親戚故舊及
本甲人等見聞踪跡務必互相傳達使在逃之人
咸曉此意當亦欣喜而樂歸者也

重建昆盧閣記

國朝 洪 璟

戊子之春予旣重以紳士之意請于郡憲趙公得
捐貲倡修卦山之天寧寺已煥然改觀矣寺北有
昆盧閣踞茲山之巔高出雲表歷歲更久柴梅墜
剝繪堊黝黹紳士復進而請曰茲閣全勢已敝不
治將圯曷謀所以新之予曰交屏邑也民無常業
戶鮮蓋藏使大工大作歲一再舉民力其能堪乎
紳士曰否夫交雖屏邑比歲屢登凡我父老子弟
咸嬉遊於太平之盛無悉索之苦免播遷之患是

役也皆吾民所斫夕跂望而未遂者特無人焉以
倡之耳因出修寺之餘若干緡而民之歡欣鼓舞
趨附其後者不一而足于是鳩工庀材數月之間
民獻其力工効其勞翬如翼如告厥成焉其規模
宏敞視昔更加完麗而卦山之名勝于是乎始令
其經營締造始終不倦者諸生陳瓏之力居多
訖事乃鑿石以識月日使後有所考云

開渠平路建亭植柳德政碑記

調朝 李 楚

邑侯洪公爲新安名儒丙戌來宰我交下車之日
詢地方利弊或興或革次第舉行治交僅六月
各上憲知公之才足以理煩治劇委攝文邑而八
之視文民也一與交同故其施惠於文民也亦與
交同文民愛公不忍釋因起而籲之上憲欲求
題調文邑以是交文之民爭於境上幸格於例不
果行然我交人士至今猶餘恨於交焉交治東

之外極 右通衢往來之人肩摩轂擊不絕於道
前任趙公植柳二十里以蔭行者今已大半枯
路爲沮洳烈日當空寒暑而過會無止息之所
不以爲苦云乃爲之開通溝洫築土墳衍使大
坦然益茂樹擗陰濃茂密之際建一亭焉顏曰
交翠其傷復建屋三楹延僧以主之又復置地
僧以爲長久之計凡發斃木石工作之費皆公
已資辦用並未擾我民間絲毫里諸生張繩武
民人張州等共募資自規焉今工已告竣凡
來於茲地者莫不被其澤而感其德馬瘠僕痛
以暫憩邪寒暑雨藉以停驂口碑載道稱頌非衰
是豈特交民之幸哉以公之才又豈僅我交一邑
之興利除害足以盡其所長哉因不揣疎陋而直
述其事以爲之記云

增修交城營房碑記

國朝 劉華慶

昔王公設險以守國設兵以衛民兵也者所以禁
暴戢奸立威防盜者也交邑逼近西山萑苻依據
往往竊發以爲地方之憂前邑侯趙公用閭平之
詳請設兵於邑之西部以扼其要建屋數楹歷歲
既久風雨漂搖幾致傾圮余於戊子春奉委防守
抵營任事後周圍審視遂不禁心然憂之夫營兵
所以衛民而兵無所棲其何以責保衛之效乎是
不可不有以增修之幸遇 邑侯洪公凡有利於

民有關於地方之事無不竭力以成相暨未幾向
余言曰兵民之視本非二體况茲數年來 鎮憲
為公按臨校閱擇人委任者無非欲地方寧謐兵
民有相依之益夫既以愛兵者愛民余司民牧獨
不當以愛民者愛兵乎因觀營房傾圮地偏激隘
遂買營後胡姓地一畝二分以為增建之基邑中
紳衿四民亦鼓舞慕義樂成恐後經始于戊子冬
鳩工庀材至己丑夏告竣增建堂三楹堂之西建
書室二楹內室六間外丁住房十七間馬廄七間

墩樓一座舊營房之風雨幾圮者亦莫不綢繆而
修葺之煥然一新較余之初至者不覺改觀矣其
洪公之所捐與紳衿四民之所助及建造所費之
數悉載碑石自茲以後兵無露處之虞矣民有相
需之益推其本原有不感激思奮以為一方之保
障者哉則 洪公之有裨於兵民者非淺鮮也今
不敏幼習韜鈴獲登鄉薦蒙 各憲簡拔任使雖
不能少展報 國之忱亦藉此益加砥礪以無負
我素志云耳於堂而名之曰耀德堂之西書室二

楹額以運甍因并勒之於石

重修文廟記

國朝 楊 蔚

邑侯洪公治交三載諸廢俱興茲以文廟傾圮慨然重修自正殿啟聖宮以及兩廡名宦鄉賢諸祠並門樓牆壁敝者易之缺者補之匝月之間次第告竣一時鳩工疋材之費皆出自飲冰之俸未嘗擾民絲粟而榱桷翬飛門垣整飭祭菜鼓篋時俎豆以光觀瞻以肅如我公者誠可謂振興學校敦崇文教者矣余于己丑秋秉鐸斯邑樂觀厥成因卽諸生所稱道勿絕者書之於壁以紀其年月云

交城縣志卷之十八

詩部

夜聽許十一誦詩愛而存

唐 杜甫

可生五臺賓業白出石壁余亦師樂可身猶縛禪
 何階子方便謬引為匹敵離索晚相逢包蒙欣有擊
 誦詩渾遊衍四座皆辟易應手看揮鉤清心聽鳴鶴
 精微穿溟滓飛動催霹靂陶謝不枝梧風騷共推激
 紫燕自超詣翠駁誰剪剔君意人莫知人間夜寥闕

江南迴逢趙驩因送狂士六赴交城王簿

唐 崔峒

江上長相憶因高北望看不知攜老幼何處度艱難
屈指同人盡傷心故里殘遙憐驅匹馬白首到微官
過故府中武威公交城舊莊感事

唐 李商隱

信陵亭館接郊畿幽象遙通晉水祠日落高門喧燕
雀風飄大樹撼焦黓新蒲似筆思投日芳草如茵憶
上時山下祇今黃絹字淚痕猶墮六州兒

遊龍山 自石壁寺

金 章宗

參嗟雲影幾千重高出塵寰迥不同金色界中兜率
境碧蓮花裏梵王宮鶴驚秋露三更月虎嘯疎林萬
壑風試拂花箋為覓句詩成自適任非功

迎駕

金 萬松老人

建宮特作內宮修聖境歡迎聖駕遊雨過水聲琴瑟
雲開山色錦蒙頭成湯狩野恢天網呂尚漁磯羨
鉤試問風光甚時節黃金世界菊花秋

遊石壁寺

金 廣庭

瀨珠跳起峰巒玉削成空巖惟佛影哀壑更松聲
倦鳥投林藪遊人入化城白牛無處覓一笛晚風清

遊石壁題

金趙點

路轉八九里雲藏四五峰松蘿溪絕壁殿閣倚晴空
蒲草搖疎綠巖花坼晚紅更看高氏字祇與衛華同

石壁寺

金和檇戴

石壁欲窮處招提環數峰鐘聲遙隱壑潭影靜涵空
巖柏雲封翠硯桃雨放紅燭來逢勝事清興與誰同

遊石壁

元郝天挺

廟雍容四十秋旱爲霖雨濟爲舟五朝寵過已黃
髮六詔歸來方黑頭後部風雲詩鼓吹前途山水酒
旣籌試看絕壁秋雲句知是承平宰相遊

題宣聖廟

元郝天挺

金碧煌煌梵刹雄元元樓觀五雲中如何萬代綱常
祖釋菜寧無數畝宮

重遊石壁山

元郝遠者

山不幽淡境不靈平生賞鑑盡山情却波三刹境都
勝石壁一巖山最名獨徑入林通窈窕數峰涌地出

巖巖招提更在雲深處未到遙聞梵唄聲

遊石壁寺

明 陳 軌

峭峻高岑擎梵塔巉巖怪石掛孤松寺荒碑斷千峰
繞溪澗危橋一逕通殿構公輪存舊巧書傳高氏有
遺踪逶迤涉險尋幽勝酣飲狂歌興不窮

龍山和韻

明 鄭 正

龍山雲霧斂登眺有餘情水色兼天碧松聲入座鳴
僧談忘世慮鶴舞趁人情却憶前朝彥題詩寓太平

遊石壁寺

明 孫 翥

走到交山寺初逢石壁僧松醪留月飲棧閣帶雲登
大殿龍聽法懸崖鼠嚼藤乾坤多劫運幾見谷為陵

題石壁山

明 王 賢

迢遙山舍起孤煙曖曖巖花落暮川行處祇疑身入
畫別來應有夢相牽沙邊古柏雙棲鷺石上輕衫一
臥禪歸轡不愁崎路異壁山蘿月已娟娟

題石壁山

明 王 騰鵬

千峰尋路轉十里俯溪行山陡石為壁僧閑鷗作盟
煙浮春樹暗風靜暮雲平愛臥幽巖下時時聽玉笙

其二

西山惟鳥徑日暮入岩堯石削千層虹垂百丈橋
馳心依梵靜躡足履雲高徒倚株林下松風醒漫勞

題石壁山

明 曹雲鵬

險峻陂門路悠悠雲剝淡潭空散餘瀝樹古接層陰
白鹿煙霞侶丹砂歲月心鳴絃坐秋石細和水龍吟

題石壁松

明 王三重

長松高百丈直幹聳叢林雲外蒼龍躍風前白鳳吟
九霄春雨沛萬古歲寒心削影超東海扶桑幸有鄰

石壁山早望

明 王三重

泓春水綠萬樹曉霞明晝寒侵骨冰消澗作聲
望中飛野馬到處聞禽鳴長嘯甘山下無人解此情

石壁曉起遇雪

明 李尚

雲鎖禪關迴不開叢山萬疊玉成堆山靈愛我登臨
興妝點春山富貴來

宿石壁寺僧舍

明 李尚

清明冒雪向山程興似山陰道上行一徑蠅旋人迹
少萬峰鵠立野雲橫洗茗通識前朝碣秉燭還尋梵

氏盟夜半忽生東海夢高山流水有餘情

遊石壁

明 康兆民

山房鎮日伴僧閒景物依稀與意關絃管天教來好
鳥畫圖地爲列青山坡畱芳草成佳句柏引清泉
老顏勝事前林尤可賞白雲飛去又飛還

石壁秋容

明 原 漆

石壁山環抱秋來景更佳金風消溽暑玉宇煥流
林綴紅霜葉山開黃露花長空雲影裏雁字數行

題石壁

明 彭憲范

遠勝相攜上翠微危峰壁立挂朝暉靜聞清磬猿
定閒看殘碑鳥跡稀入座泉聲飛法雨連空雲影繞
禪衣興來直欲買山住懶向塵寰問是非

遊石壁寺

明 谷嘉謨

公餘遊古寺雲樹兩茫茫人踏巖前草僧吹月下
煙光迷寶殿嵐氣護禪房日晚樵歸舍巖空佛現
鐘聲驚幻夢塔影印穹蒼來往人稀到循環日更長
澄心忘世慮悟道見羹墻補衲鶉衣結焚爐柏子香
莓苔叢徑路霽景映簷廊高氏碑猶在空王像自昂

登高借益友酌酒倩賢良
蕭韻思秦女歌聲憶楚狂
鴻儒爭奮志鳴鳳早朝陽
鳥倦知歸去浮生傀儡場

石壁和題

明 郝鳴秋

漫道秋容澹秋來景更佳
無風嵐帶冷不日露流
雨過峰皆綠霜凌葉盡花
燕歌出梵塔寸馬夕陽斜

題石壁

明 石 堅

轉過山巖近梵宮
杖藜頻倚石橋東
迎風落葉飄飄舞
冒雨寒花點點紅
露溼玉欄朝綵潤
霞樓瓊閣暮雲叢
雲叢叢時冷氣
侵眉宇到處攀緣步上峰

題卦山柏

明 韓 祐

林森繞寺柏盈園
翠影遙聯雲影翔
隱約喬枝先捧日
參差蒼葉晚禁霜
千尋直幹凌霄竇
百頃清陰覆路長
移向上林能作棟
可堪虛抱梵王堂

題卦山

明 舒鵬翼

寶刹交峰聳碧天
捫蘿攀柏陟危巔
晴開麗日光樓閣
香逐輕風散几筵
三晉河山憑指顧
一時花鳥共留連
塵心未淨悲華髮
聊對高僧遣俗緣

登卦山

明 胡體乾

十載天涯別相逢思灑然慨君同鬢白媿我獨眉頰
馬上常千里尊前又一年登臨喜嘉會宜賦醉歸篇

題卦山

明 王騰鵬

日晚凭欄古寺前蒼蒼松柏欲生煙林深鳥去飛
止山聳雲來斷復連楓葉煎茶畱此夕笙簧沿澗
前年斜陽無限黃昏近喜得心機物外傳

題卦山

明 元真道人

馳驅擲錫下汾州名勝經過試一遊山接紫霄來舞
鶴泉通仙渚見牽牛黃花紅葉詩聯錦玉露金風

秋幸和陽未即道超古松陰長誓滄留

題石佛堂

明 岳魯

老僧長住白雲巔只恐塵心未脫緣結屋爻山最高
處好攀星斗上諸天

交城縣壁

明 高叔嗣

漢豎匡君意顏延出守情憑高無處語寒日下孤城

三月二日交城大雪

明 高叔嗣

建辰開此月上已預今朝柳絮寒應未雪花晚故
輕盈對山樹點微愛芳條若伴邊愁客經春總不消

遊龍山二律

明 潘雲祥

梵閣高懸紫翠間，岩堯石磴離塵寰。
龍潭水月自朝夕，峻嶺雲霞互往還。
村酒呼來遊客醉，曇花落盡老僧閒。
何時卜構聊栖息，細聽松濤晝掩關。

其二

貝殿珠林秋色多，偶隨流水一廻過。
山深灌木朝含雨，潭黑神蛟夜出波。
不謂寰中亦蓬島，擬從塵外寄維摩。
蕭蕭清磬尊前落，知在煙巒第幾阿。

卦山

一 鄭之儔

人履穿丹壑，攀蘿度石梯。
雲煙行處合，城郭坐中低。
突兀懸青嶂，潺湲走碧溪。
紺宮樓最嶺，翠柏聳長堤。
雨霽嵐氛淨，風清鳥語澆。
易從羲畫悟，詩向晉臣題。
翹首諸天近，回眸下界迷。
桃源歸路渺，紅日已沉西。

題卦山

明 張首標

山形卦有象，飛閣聳雲邊。
古木參差地，交峰上下天。
鐘聲鳴遠谷，禪火映空淵。
心曠登臨賞，當歌蘇子舷。

題卦山

明 楊問奇

振衣直上萬峰頭，三十三天豁遠眸。
檻外藤牽餘坐

壁石旁泉滴自千秋河山隱隱堪圖畫翠黛重重壯
勝遊長嘯一聲孤鶴下原來此地是丹邱

卦山

明蘇祐

憶從開闢分奇偶誰謂歸連演帝農涓水自浮龍馬
瑞汾涯原列卦爻峰四山叢薄搖著草三古遺編
巖鐘見說高齋日相對欲隨杖履未從容

石壁同白居實

國朝傅山

平橋藏著樹梢中樹得溪山竅窈紅胤鉢春燒甜似
蜜葦蕪秋雨飽於松香蕪大令憐高氏白業臺實借

菊翁醉塞齒同食一覺甜誰久寂又惺惚

王北埜邀遊石壁山

國朝王士祿

山層裏象王家乘輿幽尋路未除疊礫窅疑連洞
在危峰蒼不借煙霞靈禽聽法聞成果寺傳鳩二

弟也靜女題碑擬散花寺有房璘婁高氏書鐵彌勒頌碑

高頂并汾秋色浩無涯

卦山寺



止圖呈洛水邊爻峰仍遣六丁傳龍崎數似分
莽塊天應渾後先舊識連山原有易可知頑石

參禪登臨好作
何語莫憶驚人謝朓篇

王山寶塔

國朝 裴希度

菴畫朝霞帶夕暉
風鈴纔響化塵飛
勢高雲路凌霄漢
影伴幽人臥翠微
佳氣菁蔥城隱隱
晴光靨黠
依依最是秋聲空
翠滴殺登場團雁初歸

卦山題壁

國朝 成晉徵

年來浪跡正愁予
孤館蕭蕭賦客居
不道山城開勝地
卻從卦岳拜真如
苔侵古壁連雲樹
翠積寒巖護
歇書多少殘碑題
未盡尚餘一片待樵漁

石壁秋容

國朝 武攀龍

太行西望絕風塵
壁立千尋倚翠巖
石氣曉侵楓葉變
秋聲宵入柏枝新
崖懸鳥道過沙雁
路繞羊腸起宿魏
遊罷可勝今古意
薜蘿清影挂嶙峋

卦山

國朝 武攀龍

縹渺雲根接岫巔
天開靈異自何年
石盤奇偶都莫
易地列縱橫盡入禪
千仞孤峰頻獻翠
萬株蒼柏自藏煙
渾疑太極初分際
靜裏敲詩韻欲仙

石壁山

國朝 常大忠

山如削壁幾成城莫悵崎嶇路未平天外峰來疑
險澗邊泉瀉自涵清。銜川落日渾無際夾道孤松
有聲總是盧川饒景色登臨何處不關情

戊申重九遊石壁召諸生課藝

國朝 趙吉士

出郭無多路山行從此起曉巖出樹梢清泉迎杖屨
曲磴天半懸鳥道纔容趾諸峰各有奇石壁獨秀峙
迴窳駐鐘聲晴嵐何麗綺谷轉寺門開諸生慙倒屣
所疑紅樹中文章共出水世傳高氏碑摹勒窮所視

坐分石上苔烹泉試菊蕊我有看山癖屢遊而屢止

到此恰重陽無乃太徑鄙龍山始何年

石壁一處名龍山

動遊子回看向所歷空青不可擬馬跡逐秋陰依然
到城市攜得落霞歸山月來窗几

臘月十八日踏荒河北山行遇雪口號

國朝 趙吉士

屋盡羊腸路轉賒溪山陶穴有人家我來此地非遊
獵滕六何勞降雪花

勸農四律

國朝 趙吉士

一年人事代天工春酒先開綠野東爲擊土牛邀父
老因看竹馬走兒童登出瑞積三冬雪鑿井歡騰百
里風樂話桑麻歸路晚堪園不復避花驄

其二

習射西郊穀日清預邀田祖祝西成閒看狸首驪
遠笑說豚蹄報賽輕社散詠諧容曼倩秋來宰割
陳平耦耕耦進俱無競揖讓春風醉兕觥

其三

北門山色曉氤氳魚鱗初開羽騎分一路桑麻知
似千崖猿鶴解耕耘牧童春前笛螺女濱歸
上雲宿草未消青草出經過回首悵斜曛

其四

南北東西紫陌長晉陽南望見汾陽一條冰雪寒河
日萬井桑榆夕照黃山鳥忘機窺印綬野人揮淚捧
五漿回車忽報鐘聲近烹茗棲遲到上方

交山平寇

國朝 趙吉士

星壘寒峰繞旆旌有教狐鼠此縱橫穿雲遠望懸鐘
鼓列幕分屯下馬城撲面腥風來萬仞愴心燐火出

三更長驅蓐食爭先發草木應知盡甲兵

其二

世寒潢池一息問天誅那許漏遺頑羊腸百折今虛
檢兔窟三營爾久開鋒接曉星隨礮落陣移明月
弓彎紛紛面縛皆亾命傳檄諸軍且莫還

其三

汾水蒼蒼出管涔劉淵得劍此巖陰幾多白骨成
土無數青峰長綠林風雨偶聞新鬼哭山河長遂
即心經旬策馬浮雲裏俯仰殊令感慨深

其四

鼓角喧闐豺虎奔數朝風雨蕩游魂穴居老死無徭
賦草竊貽謀長子孫邏卒圍山吹戍火縣官散俸給
晨餐飛符插羽無停驛連夜軍書報太原

其五

古岸摩碑畫土疆書生擁盾事戎行葫蘆川指新屯
寨乳子河憐舊戰場軍吏論功無刃血村翁破涕進
盃漿由來不殺稱神武此後何人更陸梁

其六

羣公牛酒慰辛勤吹角彈弦飲再巡外吏三年忘

席將軍百戰老風塵姚守戎起自行伍三十餘年窮山此日知歌

舞野老從今識縉紳惟仗皇威真赫濯敢勞車騎

越嶙峋

交山平寇詩

國朝 程可則

銜枚無事鶴鷺分按轡親穿虎豹羣肉袒何妨收

士檻車仍與徇全軍蘆芽春和饒歌奏穀積秋清成

七耘自是三旬能破賊威名從此靜河汾

平交山詩

國朝 陳啟永

入山險接太行高自昔多藏新市豪已謀棠陰環

隄更清桂澤仗龍韜朝歌入境聞增竈渤海歸田須

賣刀爭似使君談笑暇功成保障不言勞

其二

琴白晝靜鳴笳從此青山長放衙軍度重關猶

出郊除伏莽盡栽花人推定算如充國邑可更名作

嘉早晚論勳看內召快聆尊俎在京華

平交山詩

國朝

秣馬靜銜枚昧爽登陴一鼓摧緩帶輕裘傳

去前歌後舞獻俘來峰尖破裂旌旗閃峽口猗猗
羽虓功懋汾西應不朽磨碑刻向錦屏隈

卦山二律

國朝

螺峰歷歷列空天望若瑤池未綻蓮
巖底松陰嶺上雲梢塔影倒爐前
臺駘事業宜汾日毋惟英雄
晉年懷古情淡處適去南登姑射訪神仙

其二

空澹澹午煙焚雪後肩輿上翠屏
乍見珠林皆如金如粉地著丹青
荒崖細洗真元碣半道虛懸

月夕步僧階明月皎昏中奕奕
粃狼星

石壁二律

國朝

水作瑤琴石作弦琳宮仄在曲崑邊
四隅高丁遮長日一凹晴雲納小天
雕像兒童原是佛闍音鳩鴿忽
成仙適當春夏詩書候問宇西河就隱泉

其二

高閣憑看夕影凝沉西何早出東遲
遙峰罨畫凡千壑眾水滌洞各一絲
劈額懸厓橫刺路空根古樹垂枝來遊
正值花朝近泉石皆香月滿輝

月波湖二律

國朝

交城城內小西湖。裝就風流作畫圖。寺界比於三
波光涵得兩峰孤。紅樓窗裏調鸚鵡。白紵簫中響
鷓鴣。父老兒童隨岸賞。歡傳此景自來無。

其二

大雨時行大暑初。畫船風細納涼疎。偷閒適意忙何
苦。乞巧無心拙自如。梭射空懸庭下袴。參軍枉曬腹
中書。停橈欲問穿鍼事。曲岸垂楊映女閨。
時七月七日

卦峰唱韻五首

國朝

坐東園日正初。晴川烟波處處
以竟把爻山管竹林。

其二

章紫柏抱金龕。汾水綿峰立正南。獨向鸚鵡聲邊
坐。寧知石上有雙柑。

其三

雨後山光翠靄籠。龍瀧飛瀑瓦窰東。攜筇直向浮圖
頂。三晉關河一望中。

其四

州鄰白石漲青泥錯落雲峰不整齊試問遊人何處
許黃河東出太行西

其五

半道亭陰設酒壚籃輿一歇卽狂呼僧寮不用煙
寫城內樓臺是畫圖

卦山

國朝 潘 耒

卦山交出陽孤峰獨崔嵬下此一氣中稜稜露巖
森如六爻列錯若萬卦排我來正雪霽寒空無纖埃
峰使鍊明高相攢一苔遠見介

廬川城微茫辨樓臺文峪下西溪分川自兼
連山走黃河屏展卻抱迴誰言古縣形勢亦壯哉
守險在良牧撥亂須雄才利鐵鉞窮巖健馬嘶風哀
劉淵亦何人石匣爲中開蒼天不可問浩歌舒遠懷

石壁

潘 耒

石壁不可尋滿谷春雲滄谷口一小峰亭亭秀而聳
山腰磴道窄先登競餘勇側裂石壁空倒垂樹擁腫
稍晴雪飛淅淅冰泉動禪居面蒼巖畫屏逼相拱
露無仙壘白牛寒靈種獨有夫人碑南金世爭重

佛鑄金爲象數何其冗有客思洪爐佇見火雲編
將截犀兕錢鏘耕田墮曠觀世誰同虛令龍象也
不如盡春醪藉眠草茸茸

狐大夫廟今春雲氣
潘素

平落千秋淚韓原一片雲兒能開
葉魂尚接儲
漢里堪遺廟空山況有墳靈旗風過處寒雨暮紛紛
秋日同宛來登四望樓口占

國朝 潘素

後危樓坐上層窗爽氣晚來增
霜澄塔水橫

標露洗文峰劃翠稜旅態關心將別鶴雄姿遇服符
呼鷹爲農羨爾腰鎌叟禾黍秋場歲早登

過交城遊王山作
國朝 丁其

徑轉青冥合聊供散吏遊涼風來襲襲靜對孤山

泮水清
國朝 武之

索垣朱城映彤墀壁水凝光靜綠漪潔比諸生
登清同明府畏人知澄懷豈俟登歌日濯魄還
講時細數遊魚非太察九淵誰復歎珠遺

交城泮水清
國朝 張

瓊水水澄月可沐
芹菰蓼鬱蛟龍伏
滌耶泗耶源江漢
濯兮分一掬交邑
二河孔與汾取以
名城五音聞費派
隱隱若合流園橋
下見一泓沄孰使
行吟後且黑但看
汗泥日洋溢獨漉
獨漉枯魚泣蔓草
湖標道旁出錢塘
夫子簡專城挹彼
西湖以注此魚影
三載滌心冰寒潭
皚雪堪比擬漑滋
桃李與桑麻蘇
蘇桃李馨蘭芷盡
道王路遠塵囂亦
言聖化昌獨流
千里擔簦清獻門
父老嘖嘖傳其異
歸之太虛虛不
有有感通繫公所
自致君不見黃河
之水天上來統

遊月波湖

國朝 于漢翔

片開雲配夕霞重
來湖上泛輕槎
煙波入夜人聲
息水氣非秋月
華新築講堂深
睡鹿舊栽官柳
帶帶鴉風流自是

其二

看盡湖光不出城
月波湖上晚風清
無多兩岸東西
已已是扁舟曲折行
山隔女牆將色借
座當冰鑑覺生
舊遊追憶成塵夢
碧水依然夕照明

其三

灩澦煙光漾綠波
滌煩其奈客如何
平湖殘雨收虹
淺一勺長流受月多
白社偶同青雀舫
小塘時唱大
堤歌使船漫自稱
南國幾見花封載酒過

其四

八表風煙碧落浮
人家移向白鷗洲
使君節操元如水
放客愁心不繫舟
每憶晴光明欲曉
平分夜色滌
於秋從知二十四橋月不及山城一頃遊

其五

不與波處一舟移
有酒同人斟酌之
兩岸樹非陶令
柳滿湖水異習家
池清風招我重遊
日夜月留公欲
去時轉盼年華倍
惆悵底須乘興醉
煙枝

其六

露華夜重欲愁予
醉眼橫塘對白虛
漂泊一身緣水
定蕭條百感到山疎
波迴好掠低飛燕
波活會無巨
口魚料得渭川人
去後不知風月竟何如

題趙公祠

風流仙吏信我師
召社於今再見之
雨露萬家楊柳

岸烝嘗千載令公祠當年問字開來學此日停驂識
去思自是不祧功業永漫勞父老口能碑

其二

巷舞途歌是感恩何如俎豆歲時存澤流汾水波間
月氛盪交山釜底魂赤縣尚畱真鐵面梁園還寄老
黃門今朝題額蒼忙去點染丹楓醉墨痕

遙集臺四律爲趙令君題 國朝 胡亦堂

明公爲政好錦署構亭新保障千家列風流百里觀
一陽正始種彰澤柳含春坦腹長吟上咨諏徧四

其二

形勝陶唐舊天文參井環垂簾迥白水開牖入青山
官去雲霄近民依稼穡難遙遙何所集望望總相關

其三

登高堪眺遠弔古更傷今千里欲窮目三年報最
石門飛鳥邇親舍望雲淡獨怪臨邛客都亭恨不

其四

正是門庭寂怡情到輞川人來尹鐸後岳鎮伏羲前
憑奏歸風曲無歌各篇狂吟分氣象予意欲仙仙

秋晚登遙集臺二律

國朝 李拔卿

同臺攜手一登臨，秋氣紛來可十尋。
樓外天依紅樹遠，城頭山涌翠微深。
當杯話久遲明月，入座風淒響
吞砧。卻憶平原公子客，感恩遙集到如今。

其二

古署蕭蕭樹色寒，平臺新築倚雲間。
可知客到侯門早，況指烏棲柏府閒。
人是千金同任位，酒如十日一
顏呼來。傍晚移燈照鴻雁，秋淡自北還。

正月波湖

國朝 陸邊

一夜不知暑，淡然疑高秋。
中庭來好風，白月當軒流。
美人善爲政，退食百不憂。
撫景唱瓊論，一唱還復酬。
繁宴發興新，結伴城南遊。
衆賓肅聯袂，一一皆枚筍。
弄聲起女牆，麗譙報初籌。
屏騎聊散步，逸氣生道周。
雁弓四五輩，前後夾兜鍪。
連朝雨如酥，平沙漲通溝。
行行一以止，沙棠恣彝猶。
揮手泛之去，半篙放中洲。
小心送微涼，水面煙未收。
主人愛佳酌，雜坐陳庶羞。
顧視所載酒，相與洗玉舟。
澄暉照座隅，攬之在帶鉤。
酒道枉渚波，路緬何悠欬。
瞻浮圖迴千尺，臨上游。

不知何朝寺卻對東南陬陬隅迺據勝繫艇稍逗迤
透西山若拱翠微出城頭城中萬人家參差間高樓
棟榆栝柏柳蒼忙影沈浮大勢趨翼維晚眺良已
茲地稱信美經營協人謀逝將建黨壘曷哉髦士修
兼令此邦庶歌祝寫其幽時平犬不吠靜聞擊柝
明府甚在安能貽羣動休皎皎棲素禽一鳴水中
鳥雀警淡樹亦或相啁啾俯見層湖陰跳沫漾輕
仰視燦列宿絡角斗與牛我欲弄明月天漢浩阻修
公顧我笑此景可再不迴舟方塘側東炬明我

平傳此箭嚴更且三紉歸路宵氣沈薄寒侵衾
詭翳晉陽地炎天消鬱攸清颺吹塵垢君子有大猷

交山平寇

國朝 白生明

伏莽何時息山城久厭兵
澗林雲慘淡羣盜勢縱橫
金馬衝宵發牙旗捲雪行
游魂終釜底伐鼓肅軍聲
鷲鶴方成陣鯨鯢早就烹
渠魁先授首小醜盡歸耕
鐘鼎堪銘績旗常已列名
北風鏡吹起一洗萬峰清

同友人遊石壁

國朝 宋 漢

雲門石磴雨初晴當路孤峰削萬層
巖角倚巖斜掛

日。松根裂石倒垂藤。殘畱片碣傳高氏。妙演三乘說
魏僧。更擬凭高舒遠目。不辭絕頂快同登。

卦山題壁

國朝 陳奕禧

盧川城北招提境。棟宇千年自李唐。九會寶幢明
翠萬株巖柏擁。秋香客從遊賞清。吟得我欲翻經
慮長花雨亂飄歸。路溼名山迴首記翱翔。

石壁讌集

國朝 俞 卿

芙蓉玉削倚雲隈。晴日登臨經徑開。壘澗孤橋旋
刹層樓古木映蒼苔。林間揖客嵐生袂。石上傾尊
坐久不辭歸。興晚山僧可識醉翁來。

贈卦山劉道人

國朝 張榕端

近者居山寺樵耕已十年。盡捐妻子累兼斷死生緣。
如淡常如此焚香亦偶然。見聞俱不存山鬼任相
其二

風追向子與世復何求。木石爲朋友形骸等贅
無雞報曉惟有葉知秋。未能忘寢食斷梗且沈
送洪豈霞之任交城

國朝 王 懿

君曾出宰靈川。以首春風五十年。百里弦歌思舊

兩楹尊俎

者老知何似想像郊原尚

然今日送君臨此已不堪惆悵驛亭邊

盧川雜吟

國朝 洪 璟

等武威公舊莊

外芳草新盈盈 陽水充村角 古樹搖落西風裏

門不可等翻飛空燕子

登卦山望太行諸峯

層巒亘晴霄列象儼棋布太行有白雲孤飛天尺五

水門鄉世世

勸耕過大陵古城

大陵古屯營農家煙樹綠雨歇晝初長及早事耕種
穡稔佇登場豈復嗟牛菽

月波湖泛舟

東城湖水漾波光淡明月小艇橫中流笛聲發清越
雲山几席間幽人閒拄笏

新築臥虹堤成山水驟至

鞍山萬峯巔抱珠蛟龍藏風雨戰中宵洪流湯湯
長堤如偃虹詎畏舞商羊

交翠亭送友南歸

繫馬萬柳間投憩孤亭下未慰三年別又命千里
家山夢寐中瞻望淚傾瀉
雲山八戊子秋七月陔華堂前牡丹盛放
荷齋氣森爽清霜凌朝晞牡丹著淡紅花開鴻雁飛
豈悅遊子日聊欲娛春暉

渡河別文水諸父老

衣理忽經年訟稀忘政拙酌酒煩吏民相送聲嗚咽
不然有餘情何爲惜茲別

寄交城大兄陔華堂

國朝 洪 鈺

心惟仁愛政清平在昔雞鳴風雨情身犯靈川與宅
王趙衰冬日滿山城先人齋志猶爲學家世傳書豈
近名珍重吾兄報君父弟尋蓑笠事躬耕

其二

用陔華黍後堂新爲補筮詩志養親聞說有年多暇
日從來無盜總汲仁參橫月下雲峯曉汾轉河中草
樹春民頌官清吾母樂不須魚鮓遠寄珍

卦山雜興二首

國朝 洪嘉植

文海縣志
目我來爲客天高始一登石門因樹屋雪頂住山僧
月出寒空秀煙生晚郭凝秋光多少路扶杖老難能

其二

與雨高齋望山城風樹幽大雪虛萬舞千畝沃膏流
幽莽耕農歲呼喚旅食秋岳陽河澗入物土任并州

題交翠亭

國朝 洪嘉植

種柳東城路春風十里亭地疏汾水白天涵晉山青
霽雨客忘倦秋田穀送馨煙光連草色欲別幾迴經
南歸自交城行至太行道下卽日書寄從弟

霞

國朝 洪嘉植

孤雲十日太行連行過交城澤路邊藏雨溪聲春水
碓焚菑山春種梯田楊花吹麥經冬雪蠶女條桑彈
曉煙風土民生衣食在封書爲報長官賢

寄交城洪崑霞明府

國朝 方 熊

孤趙勲如在參墟地近光勸農開畎澮興士築宮牆
晉水建瓴發汾河佩帶長新隄植高柳古道養柔桑
儉尚堯民俗文祠卜子堂
君署文水邑在西河境上有子夏祠耕時風
露冕花逕雨褰裳鷹擊春皆化雞聲夜正良無情辭

不盡惟德意難忘治譜書千卷賓筵酒數行清聞琴
四野祇受鶴齋糧

寄懷洪崑霞交城

國朝 先 著

起家民社古諸侯千卷隨身學已優汾水清心流境
內卦山挂頰在城頭鄉園入夢多新句風雨懷人感
舊遊聞道五臺臨絕塞簡書從事正淹留

君曾奉委
五臺供事

西
巡

遙題月波草堂有懷崑霞明府

國朝 吳瞻泰

卦山蟠地脈汾水繞城闕閉閣渾無事此中今有人
月明波似鏡堂靜鳥鳴春況下南州榻客予戴葛巾

<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

Blank page with faint horizontal lines.

